

Rebecca Evans AS

Ysgrifennydd y Cabinet dros yr Economi, Ynni a Chynllunio

10 Hydref 2024

Annwyl Rebecca

Memorandwm Cydsyniad Deddfwriaethol ar Fil Ynni Prydain Fawr

Yn ein cyfarfod ar 7 Hydref, buom yn ystyried Memorandwm Cydsyniad Deddfwriaethol Llywodraeth Cymru ar Fil Ynni Prydain Fawr, a osodwyd gan Ysgrifennydd y Cabinet dros yr Economi, Trafnidiaeth a Gogledd Cymru ar y pryd, ym mis Awst.

Deallwn mai chi sy'n gyfrifol am y Memorandwm bellach. Felly, byddem yn ddiolchgar pe gallech ddarparu rhagor o wybodaeth i helpu i lywio ein gwaith craffu.

Rydym yn nodi nad yw'r Memorandwm yn cynnwys adran sy'n nodi'r rhesymau dros wneud y darpariaethau perthnasol i Gymru yn y Bil, sydd yn aml wedi'u cynnwys mewn memoranda cydsyniad deddfwriaethol a osodir gan Lywodraeth Cymru. A allech chi, felly, roi esboniad o ran pam yr ystyrir ei bod yn briodol i'r ddarpariaeth berthnasol gael ei gwneud yn y Bil.

Hoffem hefyd drafod materion mewn perthynas â'r Memorandwm gyda chi mewn sesiwn dystiolaeth lafar. Byddem yn ddiolchgar pe gallai eich swyddogion gysylltu â thîm clericio'r Pwyllgor i wneud y trefniadau perthnasol er mwyn cynnal y sesiwn mewn da bryd cyn y dyddiad cau ar gyfer cyflwyno'r adroddiad, sef 15 Tachwedd 2024.

Rwy'n anfon copi o'r llythyr hwn at Llyr Gruffydd, Cadeirydd y Pwyllgor Newid Hinsawdd, yr Amgylchedd a Seilwaith.



Yn gywir,

Mike Hedges

Mike Hedges

Cadeirydd

